



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-29180-19.1/19
Sarajevo, 25.07.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst i 37/14 – Ispravka), Vlada Kantona Sarajevo na 31. sjednici održanoj 25.07.2019. godine, donijela je sljedeći

ZAKLJUČAK

1. Prihvata se Inicijativa zastupnika u Skupštini Kantona Sarajevo Zvonka Marića pokrenuta na Osmoj Radnoj sjednici Skupštine Kantona Sarajevo, kojom će se u okviru "Programa obilježavanja značajnih datuma" jasno definisati datum za obilježavanje i sjećanje ubijene djece Sarajeva.
2. Formira se Radna grupa u sljedećem sastavu:
 - dva predstavnika Udruženja roditelja ubijene djece opkoljenog Sarajeva 92-95 godine;
 - predstavnica Kabineta premijera Kantona Sarajevo Lejla Mujkić;
 - predstavnik Službe za protokol Kantona Sarajevo Nenad Marilović;
 - predstavnica Press službe Kantona Sarajevo Lamija Bojadžić;
3. Zadatak Radne grupe je da u roku od 30 dana Vladi Kantona Sarajevo dostave prijedloge sa argumentima za određivanje datuma obilježavanja i sjećanja na ubijenu djecu Sarajeva.



Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Kristić
3. Premijer Kantona Sarajevo
4. Skupština Kantona Sarajevo
5. Zvonko Marić zastupnik u Skupštini Kantona Sarajevo
6. Evidencija
7. Arhiva





Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

476

Broj: 13-02/01-05-18645-95/19
Sarajevo, 24.06.2019. godine

KANTON SARAJEVO
Vlada Kantona Sarajevo

- O v d j e -

Predmet: Prijedlog izjašnjenja na inicijativu zastupnika Zvonke Marića, dostavlja se
Veza: Vaš akt broj 16-01-05-18645-95/19 od 29.05.2019. godine

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljen je Vaš akt, gornji broj i datum, kojim ste ovom ministarstvu, na izjašnjenje, dostavili zastupničku inicijativu zastupnika Zvonke Marića, a kako bi Vlada Kantona Sarajevo o istoj zauzela konačan stav na jednoj od narednih sjednica Vlade.

Zastupnik Zvonko Marić je na 8. Radnoj sjednici Skupštine Kantona Sarajevo, održanoj dana, 14.05.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenuo slijedeću zastupničku inicijativu:


“da Skupština Kantona Sarajevo u skladu sa članom 2. Zakona o utvrđivanju i obilježavanju dana Kantona Sarajevo svojom odlukom utvrdi (datum) kao Dan ubijene djece Sarajeva”.

Ministarstvo za rad, socijalnu politiku, raseljena lica i izbjeglice Kantona Sarajevo je sa pažnjom razmotrilo dostavljenu zastupničku inicijativu da se u Program obilježavanja značajnijih datuma u okviru obilježavanja Dana Kantona Sarajevo jasno definira datum za obilježavanje i sjećanje na 1601 ubijeno dijete u glavnom gradu Bosne i Hercegovine, a koji će se obilježavati prigodnim manifestacijama.

U vezi sa predloženim, ističemo da su djetinjstva i životi djece opkoljenog Sarajeva, a koja su surovo prekinuta, te brojna djeca Sarajeva koja su ranjena, koja su ostala bez dijelova svog tijela u toku agresije na našu državu i čiji su životi na taj način zauvijek obilježeni, dovoljan razlog da se



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



utvrđivanjem i obilježavanjem Dana ubijene djece Sarajeva, kontinuirano odaje počast ovoj djeci i njihovim porodicama i da se na taj način njihova žrtva zauvijek sačuva od zaborava.

Smatramo bitnim naglasiti i činjenicu da porodice ubijene djece, kao i djeca koja su ranjena u ratu i koja kao posljedicu ranjavanja imaju trajno oštećenje organizma i utvrđen invaliditet, pripadaju populaciji civilnih žrtava rata čija je zaštita uređena propisima koji spadaju u nadležnost Federalnog ministarstva rada i socijalne politike i Ministarstva za rad, socijalnu politiku, raseljena lica i izbjeglice Kantona Sarajevo.

Imajući u vidu naprijed navedeno, Ministarstvo za rad, socijalnu politiku, raseljena lica i izbjeglice Kantona Sarajevo podržava inicijativu zastupnika Zvonke Marića da se u okviru obilježavanja Dana Kantona Sarajevo, utvrdi dan koji će se obilježavati kao Dan ubijene djece Sarajeva.

S poštovanjem,

Pripremila: Smaragda Lučkin, stručni savjetnik
Kontrolisale: Cica Pljevljak, šef Odjeljenja
Slavica Gorančić, pomoćnik ministara

Sekretarka Ministarstva, Balma Trajkov

Dostavljeno:

1. Naslovu,
2. ministru,
3. a/a.



M. KARIBIJA



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System/process effectiveness
TU 15 100 63661

2866

03 -06- 2019

Bosna i Hercegovina
Federacija Bosne i Hercegovine
KANTON SARAJEVO
Stručna služba Vlade



Босна и Херцеговина
Федерација Босне и Херцеговине
КАНТОН САРАЈЕВО
Стручна служба Владе

Bosnia and Herzegovina
Federation of Bosnia and Herzegovina

CANTON SARAJEVO
Professional Service of the Government

07 -06- 2019

Broj: 16-01-05-18645-95/19
Sarajevo, 29.05.2019. godine

KANTON SARAJEVO
- MINISTARSTVO ZA RAD, SOCIJALNU POLITIKU,
RASELJENA LICA I IZBJEGLICE
- KOMISIJA ZA IZRADU PRIJEDLOGA PROGRAMA
OBILJEŽAVANJA DANA KANTONA SARAJEVO

PREDMET: Dostava zastupničke inicijative.-

Zastupnik u Skupštini Kantona Sarajevo Zvonko Marić na Osmoj radnoj sjednici Skupštine Kantona Sarajevo održanoj dana 14.05.2019. godine u okviru tačke dnevnog reda „Poslanička pitanja, inicijative i odgovori“, pokrenuo sljedeću zastupničku inicijativu:

„da Skupština Kantona Sarajevo u skladu sa članom 2. Zakona o utvrđivanju i obilježavanju dana Kantona Sarajevo svojom odlukom utvrdi (datum) kao Dan ubijene djece Sarajeva”.


U skladu sa članom 34. stav (3) i (4) Poslovnika o radu Vlade Kantona Sarajevo (“Službene novine Kantona Sarajevo”, broj: 4/16), potrebno je da pripremite odgovor na pokrenutu zastupničku inicijativu i isti dostavite u Službu za skupštinske poslove Kantona Sarajevo, te jedan primjerak u Stručnu službu Vlade Kantona Sarajevo.

Također, ukoliko smatrate da je neophodno da se Vlada izjasni na pokrenutu zastupničku inicijativu, potrebno je sačiniti prijedlog izjašnjenja i isti dostavite u Stručnu službu Vlade Kantona Sarajevo, kako bi Vlada Kantona Sarajevo zauzela konačan stav na jednoj od narednih sjednica Vlade.

U prilogu Vam dostavljamo:

- akt Skupštine Kantona Sarajevo broj:01-05-18645-95/19 od 14.05.2019. godine
- zastupnička inicijativa zastupnika u Skupštini Kantona Sarajevo Zvonka Marića

S poštovanjem



Dostaviti:

1. Naslovu
2. Evidencija
3. Arhiva



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-074, 562-075
Fax: + 387 (0) 33 562-076
Sarajevo, Reisa Džemaludina Čauševića 1





922
24. 05. 19
u 14,00



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

476

Broj:01-05-18645-95/19
Sarajevo, 17.05.2019. godine

VLADA KANTONA SARAJEVO

Zastupnik Zvonko Marić na Osmoj radnoj sjednici Skupštine Kantona Sarajevo, održanoj dana 14.05.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo pokrenuo je zastupničku inicijativu "da Skupština Kantona Sarajevo u skladu sa članom 2. ZAKONA O UTVRĐIVANJU I OBILJEŽAVANJU DANA KANTONA SARAJEVO (Službene novine KS 33/05) svojom odlukom utvrdi (datum) kao Dan ubijene djece Sarajeva".

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovníka Skupštine Kantona Sarajevo („Službene novine Kantona Sarajevo“ - broj 41/12 - Drugi novi prečišćeni tekst, broj 15/13 i 47/13,47/15,48/16) u pisanom obliku, obavijestite Skupštinu o učinjenom.

U skladu sa članom 213. Poslovníka ukoliko Vlada ne izvrši očitovanje po inicijativi, o inicijativi će se Skupština izjašnjavati bez stava Vlade na narednoj sjednici.

Prilog: Zastupnička inicijativa Zvonka Marića

CO:
-sekretar SKS
-sekretar Vlade Kantona

PREDSJEDAVAJUĆI
SKUPŠTINE KANTONA SARAJEVO
[Redacted Signature]

Pripremila: Jasminka Deliahmetović
Kontrolisala: Amela Smailagić-Čamdžić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



Zvonko Marić
Zastupnik SBB BiH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Skupština Kantona Sarajevo
n/r Vlada Kantona Sarajevo
Sarajevo, 14.05.2019.

Na osnovu člana 213. Poslovnika Skupštine Kantona Sarajevo podnosim inicijativu da Skupština Kantona Sarajevo u skladu sa članom 2. ZAKONA O UTVRĐIVANJU I OBILJEŽAVANJU DANA KANTONA SARAJEVO (Službene novine KS 33/05) svojom odlukom utvrdi (datum) kao Dan ubijene djece Sarajeva.

OBRAZLOŽENJE

Pokrećem inicijativu da se u "Program obilježavanja značajnih datuma", a u okviru Dana Kantona Sarajevo jasno definiira datum za obilježavanje i sjećanje na 1601 ubijeno dijete u glavnom gradu BiH. Smatram da smo dužni prema nevinoj djeci koja su ubijena u našem gradu da to bude poseban dan, u kojem će biti održan veliki sat (čas) i koji će biti obilježen prigodnim manifestacijama. Držim da ne bi bilo dobro da to bude 2,3 i 9. maj, svi drugi dani dolaze u obzir. Uvrštavanje dana "Obilježavanja ubijene djece Sarajeva" je i naša moralna obaveza i pijetet prema njihovoj nevinoj žrtvi, ali istovremeno i samopoštovanje, jer ne postoji ni jedan razlog zbog kojeg ne bi obilježavali ovaj dan.

Sjetimo se samo streljanja Kragujevačkih učenika, njih 40 do 15 godina, 272 srednjoškolca i 15 čistača obuće, koje su njemačke okupacione snage usmrtila 1941. godine. Ovaj datum se i danas obilježava u Srbiji, pa je čak i velika pjesnikinja Desanka Maksimović posvetila čuvenu "krvavu bajku" a uz to ovaj datum je planetarno poznat i s dužnim poštovanjem se odnose svi koji znaju za njega. Bez namjere da licitiram brojem ubijene djece, ali moram istaći da je u Sarajevu ubijeno 1601 dijete, što otprilike znači da su u Sarajevu dvije škole učenika stradale u agresiji na Bosnu i Hercegovinu. Mislim da je suviše iznositi dodatnu argumentaciju za ovu inicijativu, i zato molim da zastupnici u Skupštini KS podrškom ovoj inicijativi, pored ostalog izraze i samopoštovanje, jer ako ne poštujemo sebe teško je očekivati da će nas neko drugi poštovati.

Predlažem da se prigodna centralna manifestacija održava kod Spomenika ubijenoj djeci Sarajeva u Velikom parku, a ostale u organizaciji općina na prigodnim mjestima koje odrede za to općinske vlasti. Sve to podrazumijeva sudjelovanje svih škola na području KS.

Jasno je da će pomoć za organiziranje obilježavanja ovoga dana, biti potrebna finansijska podrška Vlade KS - i u tom smislu ukoliko Skupština KS podrži ovu inicijativu, očekujem da će i Vlada KS zauzeti pozitivan stav o ovom pitanju - i da neće izostati finansijska podrška i lokalnih zajednica. Vjerujem da će u finansiraju ovog događaja na adekvatan način, učestvovati i uprava Grada Sarajeva i mnogi drugi zainteresirani privatni i javni subjekti.

Nadam se da će ovo biti još jedan od načina borbe protiv nekulture zaborava.

Molim Skupštinu Kantona Sarajevo da se izjasni o mojoj inicijativi

Zastupnik
Zvonko Marić
SBB u SKS



710.

Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-16100-35.6/19
Sarajevo, 11.04.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), Vlada Kantona Sarajevo na 15. sjednici održanoj 11.04.2019. godine, donijela je sljedeći

ZAKLJUČAK

1. Zadužuju se resorna ministarstva i drugi organi državne službe u Kantonu Sarajevo da na sva zastupnička pitanja i inicijative odgovaraju blagovremeno.
2. Zadužuje se Stručna služba Vlade Kantona Sarajevo da poslaničke/zastupničke inicijative i pitanja upućena Vladi, u vezi sa radom Vlade ili poslovima iz njene nadležnosti, ~~prosljeđuje resornim ministarstvima~~ ili drugim organima državne službe, kako bi isti u okviru svoje nadležnosti pripremili prijedloge odgovora ili izjašnjenja i ista dostavila Vladi Kantona Sarajevo, za jednu od narednih sjednica, radi zauzimanja konačnog stava po podnesenoj inicijativi.
3. Ovlašćuje se Stručna služba Vlade Kantona Sarajevo da od resornih ministarstava i drugih organa državne službe traži dostavljanje prijedloga odgovora ili izjašnjenja za Vladu, u slučajevima kada na zastupničke inicijative i pitanja upućena Vladi, u vezi sa radom Vlade ili poslovima iz njene nadležnosti, nije dostavljen odgovor u predviđenom roku.



web: <http://vlada.ks.gov.ba>
e-mail: premijer@ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Dostaviti:

1. Predsjedavajući Skupštine Kantona Sarajevo
2. Premijer Kantona Sarajevo
3. Ministarstva (x 12)
4. Službe Kantona Sarajevo (x 9)
5. Zavodi (x 5)
6. Uprave (x 2)
7. Fondovi (x 4)
8. Kantonalna agencija za privatizaciju
9. Evidencija
10. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1

